



Broj: 13-11-4485/22
Datum: 27.07.2022.godine

Na osnovu člana 70. stav (3) i člana 100. stav (3) Zakona o javnim nabavkama ("Službeni glasnik Bosne i Hercegovine" broj 39/14), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20-ispravka) i člana 200. Zakona o upravnom postupku ("Službene novine Federacije BiH" br. 2/98 i 48/99), a na prijedlog Komisije za javnu nabavku roba, radova i usluga, Općinski načelnik d o n o s i

ODLUKU o izboru najpovoljnijeg ponuđača

I

Za najpovoljnijeg ponuđača za javnu nabavku roba „Nabavka opreme za opremanje asisitivnog kabineta na području Općine Novo Sarajevo“, po provedenom konkurentskom zahtjevu za dostavljanje ponuda izabran je slijedeći ponuđač:

ASCOM d.o.o. Tešanj
sa ukupnom cijenom od 28.000,01 KM
(slovima: dvadesetiosamhiljada i 01/100 konvertibilnihmaraka) sa računatim PDV-om

II

Danom stupanja na snagu ove Odluke, prestaje da važi Odluka o izboru najpovoljnijeg ponuđača broj: 13-11-4485/22 od 19.07.2022.godine.

III

Za izvršenje ove Odluke zadužuje se Služba za obrazovanje, kulturu i sport Općine Novo Sarajevo.

IV

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav a) do d) i tačkom 7.3.2. stav a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača, s tim da datum izdavanja dokumenata ne smije biti nakon datuma podnošenja ponude.

V

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

VI

Ova Odluka stupa na snagu danom donošenja.

O b r a z l o ž e n j e

Postupak javne nabavke proveden je putem konkurentskog zahtjeva za dostavljanje ponuda, a pokrenut je na osnovu Odluke Općinskog načelnika broj: 13-11-4485/22 od 20.05.2022.godine.

Procijenjena vrijednost javne nabavke sa PDV-om je: 28.000,00 KM (slovima: dvadesetiosamhiljada konvertibilnihmaraka).

Obavještenje o javnoj nabavci broj: 935-7-1-151-3-144/22 od 22.06.2022.godine u 12⁵⁵ sati, poslano je na objavu na Portal javnih nabavki.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Komisija za javne nabavke roba, radova i usluga

tel: (387 33) 492 302, fax: (387 33) 492 338, email: javne.nabavke@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun (račun za prikupljanje javnih prihoda): 1411965320011288 Bosna Bank International d.d.;

Transakcijski računi (za isplatu svih obaveza): 1610000019280022 Raiffeisen bank d.d. Sarajevo;

1411965320011191 Bosna Bank International d.d.;

1541602014883163 Intesa Sanpaolo banka d.d. Sarajevo; 1413065320060897 Bosna Bank International d.d.



Komisija za javnu nabavku roba, radova i usluga, je imenovana Odlukom Općinskog načelnika broj: 13-11-4485/22 od 20.05.2022.godine.

Iz Zapisnika Komisije za javnu nabavku po pristigloj žalbi ASCOM d.o.o. Tešanj je vidljivo da se Komisija sastala dana 22.07.2022.godine u 17⁰⁰, i konstatovala kako slijedi:

Ugovorni organ je dana 22.07.2022. godine, zaprimio žalbu žalitelja ASCOM d.o.o. Tešanj, izjavljenu na Odluku o izboru najpovoljnijeg ponuđača broj: 13-11-4485/22 od 19.07.2022.godine, a za javnu nabavku roba „Nabavka opreme za opremanje asisitivnog kabineta na području Općine Novo Sarajevo“.

Prije nego što se upustila u meritorno odlučivanje po pristigloj žalbi, Komisija za javnu nabavku roba, radova i usluga je pristupila provjeri formalnih pretpostavki za ulaganje žalbe, koje moraju biti ispunjene od strane žalitelja, kako bi se pristupilo njenom rješavanju, a koje se odnose na uslovljene pretpostavke u skladu sa odredbama člana 100. Zakona o javnim nabavkama BiH, odnosno na dopuštenost, blagovremenost i izjavljenost od strane ovlaštene osobe.

Ispitujući pravne pretpostavke za postupanje po predmetnoj žalbi, Komisija za javnu nabavku roba, radova i usluga je utvrdila da su udovoljene procesne pretpostavke za ulaganje žalbe, odnosno da je pristigla žalba blagovremena, dopuštena i izjavljene od ovlaštene osobe.

Žalitelj ASCOM d.o.o. Tešanj u žalbi navodi kako slijedi:

„Vašom odlukom o izboru najpovoljnijeg ponuđača broj 13-11-4485/22 od 19.07.2022.godine ste izabrali ponuđača MOOBILUX d.o.o. Tešanj na koju se mi žalimo zbog neispravnosti potvrde o dokazu Tehničke i profesionalne sposobnosti, kao i neispravnog popunjavanja Obrasca za cijenu ponude gdje se kod zamjenskih proizvoda nije navelo da se nudi ekvivalent traženom proizvodu te neispravnih specifikacija:

1. Iz Tenderske dokumentacije tačka 7.4.1 dokaz a2 je traženo:

„dvije original ili ovjerene fotokopije potvrda o uspješnoj realizaciji ugovora. NAPOMENA: U potvrdama mora biti jasno iskazano da su se ugovori odnosili na nabavku medicinske opreme ili aparata i nastavnih pomagala, u posljednje 3 (tri) godine, računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od tri godine u protivnom organ potvrde neće prihvatiti i ponuda će biti odbačena kao nepotpuna.“

U ovu svrhu dokazivanja Tehničke i profesionalne sposobnosti firma Moobilux d.o.o. Tešanj je priložila potvrdu Medicinskog fakulteta Foča gdje je navedeno izvršenje Ugovora „NABAVKA OPREME ZA DJECU SA POSEBNIM POTREBAMA“. Iz ovoga se ne vidi ni jedna tražena kvalifikacija iz tenderske dokumentacije, čime ova potvrda o realizaciji ugovora ne dokazuje traženi zahtjev iz Tenderske dokumentacije. Takođe, oblast koju pokriva realizovani ugovor je dosta široka, tako da ovaj ugovor ne mora nužno značiti da se odnosi na problematiku iz Tenderske dokumentacije.

2. U Aneksu 3 Obrazac za cijenu ponude str. 11. kod stavke 6. TTS MAESTRO (Program za pretvaranje teksta u govor) firma Moobilux doo nije navela u navedenom obrascu u koloni „EKVIVALENT“ da se radi o zamjenskom proizvodu što je navedeno naknadno u „KATALOG PROIZVODA“ u tački 6 strana 67. gdje je navedeno da se radi o drugom proizvodu „TTSAnReader“ gdje nisu navedene specifikacije ponuđenog zamjenskog proizvoda, nego su doslovce upisane tražene karakteristike iz TD gdje je naziv „TTS MAESTRO“, zamjenjen sa „TTS AnReader“ čime nije dokazano da ponuđeni proizvod odgovara svim traženim specifikacijama.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Komisija za javne nabavke roba, radova i usluga

tel: (387 33) 492 302, fax: (387 33) 492 338, email: javne.nabavke@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun (račun za prikupljanje javnih prihoda): 1411965320011288 Bosna Bank International d.d.;

Transakcijski računi (za isplatu svih obaveza): 1610000019280022 Raiffeisen bank d.d. Sarajevo;

1411965320011191 Bosna Bank International d.d.;

1541602014883163 Intesa Sanpaolo banka d.d. Sarajevo; 1413065320060897 Bosna Bank International d.d





3. U Aneksu 3 Obrazac za cijenu ponude str. 15. kod stavke 11. Uređaj za praćenje oka za vrijeme rada na računaru (PC iye Plus 5, nosač, grid 3 i MS Tablet) firma Moobilux doo nije navela u navedenom obrascu u koloni „EKVIVALENT“ da se radi o zamjenskom proizvodu što je navedeno naknadno u „KATALOG PROIZVODA“ u tački 11 strana 71. gdje piše da se radi o drugom proizvodu „Eye Mobile Mini sa PC Eye mini“ gdje nisu navedene specifikacije ponuđenog zamjenskog proizvoda, nego su doslovce upisane tražene karakteristike iz TD što je u suprotnosti sa traženim iz Dokaz b) tačka 7.4.1. TD. Ponuđeni uređaj je starije generacije koji se ne prodaje od 29. novembra 2020. godine (čime se dovodi u pitanje i ispravnost garancije), lošijih je karakteristika i njegove dimenzije su 169,5 mm x 17,8 mm x 12,4 mm, težine 59 grama. Zbog znatno manjih dimenzija (tražena dužina 285 mm a ponuđena 169,5 mm) ima lošiju funkciju praćenja oka zbog čega ga je proizvođač i zamjenio znatno boljim uređajem.

4. U Aneksu 3 Obrazac za cijenu ponude str. 19. kod stavke 16. Jednostavni komunikator (GoTalk 4+) firma Moobilux doo nije navela u navedenom obrascu u koloni „EKVIVALENT“ da se radi o zamjenskom proizvodu što je navedeno naknadno u „KATALOG PROIZVODA“ u tački 16 strana 75. gdje piše da se radi o drugom proizvodu „Quick Talker FT7“.

Dana 26.07.2022. godine Komisija za javne nabavke je razmotrila žalbene navode, te utvrđuje kako slijedi:

Žalba žalitelja ASCOM d.o.o. Tešanjan je djelomično osnovana

U vezi žalbenog navoda broj 1., Komisija za javne nabavke konstatuje da je isti neosnovan jer je iz dostavljene Potvrde o uspješnoj realizaciji Ugovora izdate od strane Medicinskog fakulteta Foča a u kojoj je navedeno da je uspješno realiziran Ugovor: „NABAVKA OPREME ZA DJECU SA POSEBNIM POTREBAMA“, jasno vidljivo da se radi o nabavci i isporuci robe koje je predmet navedene javne nabavke.

U vezi žalbenih navoda broj: 2, 3 i 4. Komisija za javne nabavke konstatuje da su isti osnovani odnosno da je ponuđač MOOBILUX d.o.o. Tešanjan propustio da u ponudi na mjestima predviđenim za upisivanje ekvivalenta nuđenog proizvoda, iste i upiše.

U skladu sa naprijed navedenim ponuda ponuđača MOOBILUX d.o.o. Tešanjan nije prihvatljiva jer ne ispunjava kvalifikacione uslove u pogledu tehničke i profesionalne sposobnosti zahtijevane u tenderskoj dokumentaciji.

Komisija za javne nabavke je cijeneći žalbene navode i propisani zakonski postupak, utvrdila da je žalba žalitelja ASCOM d.o.o. Tešanjan djelomično osnovana, te je jednoglasno predložila Općinskom načelniku da se Odluka o izboru najpovoljnijeg ponuđača broj: 13-11-4485/22 od 19.07.2022. godine, stavi van snage, te da u skladu sa odredbama člana 64. stav (1) tačka b) i člana 100. stav (3) Zakona o javnim nabavkama donese Odluku o izboru najpovoljnijeg ponuđača ASCOM d.o.o. Tešanjan, čija ponuda je ocijenjena kao najpovoljnija, na osnovu kriterija „najniža cijena“, u ukupnom iznosu ponude od 28.000,01 KM (slovima: dvadesetiosamhiljada i 01/100 konvertibilnih maraka) sa uračunatim PDV-om, te da se ponuđaču ASCOM d.o.o. Tešanjan dodijeli Ugovor.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku. Naime, u postupku je ocijenjeno da je Komisija u svemu pravilno postupila te da je Odluka o djelomičnom usvajanju žalbe i Odluka o izboru najpovoljnijeg ponuđača u postupku predmetne javne nabavke donešena jednoglasno u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) i člana 100. stav (3) Zakona o javnim nabavkama, odlučeno je kao u dispozitivu ove Odluke.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Komisija za javne nabavke roba, radova i usluga

tel: (387 33) 492 302, fax: (387 33) 492 338, email: javne.nabavke@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun (račun za prikupljanje javnih prihoda): 1411965320011288 Bosna Bank International d.d.;

Transakcijski račun (za isplatu svih obaveza): 1610000019280022 Raiffeisen bank d.d. Sarajevo;

1411965320011191 Bosna Bank International d.d.;

1541602014883163 Intesa Sanpaolo banka d.d. Sarajevo; 1413065320060897 Bosna Bank International d.d.



Pouka o pravnom lijeku:

Protiv ove Odluke može se izjaviti žalba, najkasnije u roku od **5 (pet) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107.

Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i

povrata naknada propisanih članom 108. Zakona o javnim nabavkama BiH, broj: 08- 02-2-8303-1/14 od

09.10.2014. godine.



DOSTAVITI:

- ASCOM d.o.o. Tešanj
- MOOBILUX d.o.o. Tešanj
- a/a

Općina Novo Sarajevo, ulica Zmaja od Bosne br. 55, centrala telefon (387 33) 492 100

Komisija za javne nabavke roba, radova i usluga

tel: (387 33) 492 302, fax: (387 33) 492 338, email: javne.nabavke@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun (račun za prikupljanje javnih prihoda): 1411965320011288 Bosna Bank International d.d.;

Transakcijski računi (za isplatu svih obaveza): 1610000019280022 Raiffeisen bank d.d. Sarajevo;

1411965320011191 Bosna Bank International d.d.;

1541602014883163 Intesa Sanpaolo banka d.d. Sarajevo; 1413065320060897 Bosna Bank International d.d

